

ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის ძველი ქართული სამართლის, რომანისტიკისა და სამართლის ისტორიის სამეცნიერო-კვლევითი ინსტიტუტის

დ ე ბ უ ლ ე ბ ა

მუხლი 1. ზოგადი დებულებები

1. ინსტიტუტი არის ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის სამეცნიერო-კვლევითი სტრუქტურული ერთეული.
2. ინსტიტუტი თავის საქმიანობას წარმართავს დებულების მიხედვით. დებულებას იღებს იურიდიული ფაკულტეტის საბჭო დეკანის წარდგინების საფუძველზე და ამტკიცებს თსუ-ს წარმომადგენლობითი საბჭო.
3. ინსტიტუტის დებულებაში ცვლილება-დამატების შეტანა შესაძლებელია ფაკულტეტის საბჭოს გადაწყვეტილებით.

მუხლი 2. სამეცნიერო-კვლევითი ინსტიტუტის მიზნები, დანიშნულება და საქმიანობის ძირითადი მიმართულებები

1. ფუნდამენტური სამართლებრივი კვლევებისათვის ხელის შეწყობა, კვლევის შედეგების ინტეგრაცია სასწავლო პროცესში, თსუ-ს იურიდიული ფაკულტეტის მნიშვნელობის წარმოჩენა როგორც ეროვნულ, ისე საერთაშორისო დონეზე.
2. ინსტიტუტის მიზნები და ამოცანებია:
 - ა) ძველი ქართული სამართლისა და რომანისტიკის სისტემური მეცნიერული კვლევა.
 - ბ) ძველი ქართული სამართლის ინსტიტუტების გენეზისის შესწავლა წერილობითი წყაროების მიხედვით და ქართული ჩვეულებითი სამართლის მასალების საფუძველზე, მათი უძველესი სახით რეკონსტრუირების გზით.
 - გ) ძველი ქართული სამართლისა და რომის სამართლის შესაბამისი ინსტიტუტების შედარებით-სამართლებრივი კვლევა.
 - დ) ძველი ქართული სამართლის ადგილის დადგენა სამართლის ზოგადი ისტორიის განვითარების კონტექსტში, ძველი ქართული სამართლისა და მსოფლიო ხალხთა სამართლის ისტორიის ინსტიტუტების შედარების გზით.
 - ე) ქართული სამართლებრივი აზროვნების ისტორიის კვლევა.
 - ვ) სამართლის ისტორიის მიმართულების სასწავლო დისციპლინებში თანამედროვე მოთხოვნების შესაბამისი სახელმძღვანელოების შექმნა.

- ბ) ძველი ქართული სამართლის ინსტიტუტების კვლევის შედეგების გამოყენება თანამედროვე ქართულ კანონმდებლობაში.
 - თ) ძველი ქართული სამართლის ისტორიის მკვლევართა გამოუქვეყნებელი ნაშრომების გამოცემა.
3. ამ მუხლის პირველი და მეორე პუნქტებით გათვალისწინებული მიზნების მისაღწევად ინსტიტუტი:
- ა) ახდენს კვალიფიციური კადრების კონცენტრირებას როგორც კვლევების განხორციელების, ისე სამართლის სხვადასხვა სფეროში ხარისხიანი განათლების უზრუნველყოფას;
 - ბ) ხელს უწყობს სამეცნიერო და საგანმანათლებლო პროცესების ორგანულ ერთიანობას (როგორც პედაგოგთა სტიმულირებით სასწავლო პროცესში კვლევის შედეგების აქტიურად წარმოჩენაში, ისე სტუდენტთა ჩართვას დამოუკიდებელი კვლევის პროცესში).
4. ინსტიტუტის საქმიანობის ძირითადი მიმართულებებია:
- ა) სამართლის ისტორიის ძირითადი წყაროების თარგმნა და მეცნიერული კვლევა;
 - ბ) სამართლის ისტორიის ძირითადი ინსტიტუტების გენეზისისა და ევოლუციის კვლევა შედარებით-სამართლებრივი და შედარებით-ისტორიული მეთოდების გამოყენებით;
 - გ) სამართლის ცალკეული დარგების (საჯარო სამართლის, სისხლის სამართლის, კერძო სამართლის, პროცესუალური სამართლის) სამეცნიერო კვლევა ისტორიულ ასპექტში.
5. ინსტიტუტი უფლებამოსილია პერიოდულად ჩაატაროს საერთაშორისო და ეროვნული კონფერენციები, სემინარები თუ სხვა სახის შეხვედრები, სადაც მოწვეულ მეცნიერებთან ერთად ინსტიტუტის თანამშრომლების ჩატარებული კვლევების შედეგებს წარმოაჩენენ.
6. ინსტიტუტი აქტიურად თანამშრომლობს ადგილობრივ და უცხოელ ექსპერტებთან.
7. ინსტიტუტი ჩატარებული კვლევების შედეგებს სისტემატურად აქვეყნებს საჯაროდ.

მუხლი 3. ინსტიტუტის სტრუქტურა

- 1. ინსტიტუტი შედგება ინსტიტუტის ხელმძღვანელის (დირექტორის), მისი წევრების, მდივნისა და დამხმარე პერსონალისაგან.
- 2. ინსტიტუტის შემადგენლობაში შედის რომანიისტიკის სამეცნიერო კვლევითი ცენტრი და ქართული ჩვეულებითი სამართლის სამეცნიერო-კვლევითი ცენტრები.
- 3. ქართული ჩვეულებითი სამართლის შემსწავლელი ცენტრის მიზნები და ამოცანებია:
 - ა) ქართული ჩვეულებითი სამართლის სისტემური კვლევა.
 - ბ) ქართული ჩვეულებითი სამართლის მასალების შეკრება (საველე-ეთნოგრაფიული ექსპედიციების ჩატარების გზით საარქივო მასალების მოძიებით, გამოქვეყნებული ისტორიულ-ეთნოგრაფიული ლიტერატურიდან შესაბამისი მასალების ამოკრებით) და თავმოყრა ცენტრში.

გ) შეკრებილი მასალის სისტემატიზაცია და ანალიზი.
დ) ქართული ჩვეულებითი სამართლის ინსტიტუტების შედარება ქართული სამართლის ძეგლებსა და სხვა იურიდიული ხასიათის დოკუმენტებში გადმოცემულ სამართლებრივ ინსტიტუტებთან და შემდგომში ამ ინსტიტუტების ერთიანი გააზრება.

ე) ქართული ჩვეულებითი სამართლის ინსტიტუტების შედარება ჩრდილო-კავკასიელ მთიელთა ჩვეულებითი სამართლის ინსტიტუტებთან.

4. რომანისტიკის სამეცნიერო-კვლევითი ცენტრის მიზნები და ამოცანებია:

ა) რომის სამართლის წყაროების (იუსტინიანეს Corpus Iuris Civilis-ს) თარგმნა და მეცნიერული კვლევა.

ბ) არსებული წყაროების საფუძველზე რომის სამართლის სახელმძღვანელოების მომზადება საბაკალავრო და სამაგისტრო პროგრამის ფარგლებში.

გ) ძველ ქართულ სამართალში რომის სამართლის რეცეფციის შესწავლა.

5. ინსტიტუტის საქმიანობას ხელმძღვანელობს ინსტიტუტის დირექტორი ინსტიტუტის წევრებთან ერთად.

6. ინსტიტუტის სამეცნიერო საქმიანობას ხელმძღვანელობს ინსტიტუტის სამეცნიერო საბჭო.

მუხლი 4. ინსტიტუტის სამეცნიერო პერსონალი

1. ინსტიტუტის სამეცნიერო პერსონალი იქმნება თსუ-ს იურიდიული ფაკულტეტის აკადემიური პერსონალისა და სხვა მეცნიერებისაგან, მათი სურვილის შესაბამისად. ინსტიტუტის მეცნიერ-თანამშრომლად შესაძლებელია მოწვეულ იქნეს შესაბამის დარგის მეცნიერი, რომელსაც თსუ-ში არ უკავია აკადემიური თანამდებობა.

მუხლი 5. ინსტიტუტის სამეცნიერო საბჭო

1. ინსტიტუტის ხელმძღვანელი, კვლევის ცენტრებისა და თსუ-ს იურიდიული ფაკულტეტის ის აკადემიური პერსონალი, რომელიც ინსტიტუტის სამეცნიერო პერსონალს წარმოადგენს ქმნის ინსტიტუტის სამეცნიერო საბჭოს.

2. საჭიროების შემთხვევაში საბჭოს უფლება აქვს ხმათა უმრავლესობით საბჭოს წევრად აირჩიოს სხვა სამეცნიერო-საგანმანათლებლო დაწესებულებაში მომუშავე დოქტორის ან მასთან გათანაბრებული ხარისხის მქონე პირი.

3. ინსტიტუტის სამეცნიერო საბჭოს საქმიანობას წარმართავს ინსტიტუტის ხელმძღვანელი.

4. სამეცნიერო საბჭო განიხილავს და წყვეტს ინსტიტუტის სამეცნიერო მართვისა და განვითარების საკითხებს, კერძოდ:

ა) განიხილავს და განსაზღვავს ინსტიტუტის საქმიანობის ძირითად მიმართულებებს;

- ბ) განიხილავს და ამტკიცებს სამეცნიერო-კვლევით სამუშაოთა გეგმებს;
 - გ) განსაზღვრავს სამეცნიერო-კვლევითი ცენტრის სამუშაო გეგმას;
 - დ) განიხილავს ინსტიტუტის სტრუქტურის შეცვლის, აგრეთვე, საკვლევ სამუშაოთა ჩასატარებლად განსაზღვრული სახსრების მოძიების და გამოყენების საკითხებს;
 - ე) განიხილავს სხვა სამეცნიერო საწესებულებებთან და სხვადასხვა ორგანიზაციებთან თანამშრომლობის საკითხებს;
 - ვ) ისმენს და განიხილავს კვლევის ცენტრების ხელმძღვანელთა, ცალკეულ მეცნიერთა საქმიანობის ანგარიშებს;
 - ზ) განიხილავს ინსტიტუტის საერთაშორისო სამეცნიერო თანამშრომლობის ეფექტურობის საკითხებს, უცხო ქვეყნების სამეცნიერო დაწესებულებებთან ერთობლივი კვლევების შესრულების მიმდინარეობას, ისმენს და განიხილავს ინსტიტუტის თანამშრომელთა ანგარიშებს უცხოეთში სამეცნიერო მივლინების შესახებ;
 - თ) იღებს გადაწყვეტილებას სამეცნიერო ჟურნალის დაარსების (გაუქმების) შესახებ, შეარჩევს ჟურნალების სარედაქციო კოლეგიებს და პერიოდულად ისმენს მათი მუშაობის ანგარიშს;
 - ი) წარადგენს ღირსეულ მეცნიერთა შრომებს პრემიებისა და ჯილდოების მოსაპოვებლად.
 - კ) ადგენს კვლევის შედეგების სასწავლო პროცესში ინტეგრირების მიზანშეწონილობის საკითხებს.
 - ლ) გადაწყვეტილებას იღებს ინსტიტუტში პირის გაწვევრიანებასთან დაკავშირებით.
 - მ) უფლებამოსილია ყველა იმ საკითხზე, რომელიც ინსტიტუტის სამეცნიერო აქტივობასა და საქმიანობას შეეხება.
5. ინსტიტუტის სამეცნიერო საბჭოს სხდომებს წარმართავს ინსტიტუტის ხელმძღვანელი.
 6. ინსტიტუტის სამეცნიერო საბჭო უფლებამოსილია, თუ მას ესწრება საბჭოს წევრთა უმრავლესობა. საბჭოს გადაწყვეტილება მიღებულად ითვლება, თუ მას ხმა მისცა სხდომაზე დამსწრე საბჭოს წევრთა ნახევარზე მეტმა. საბჭოს საკითხს წყვეტს ღია კენჭისყრით, თუ საგანგებოდ არ დადგინდა ფარული კენჭისყრის აუცილებლობა. საბჭოს გადაწყვეტილება სავალდებულოა ინსტიტუტის ხელმძღვანელობისათვის.
 7. სამეცნიერო საბჭოს სხდომის მიმდინარეობის თაობაზე დგება შესაბამისი ოქმი, რომელსაც ხელს აწერს სხდომის თავმჯდომარე და მდივანი.
 8. სამეცნიერო საბჭო თავად განსაზღვრავს მდივნის კანდიდატურას ღია კენჭისყრით დამსწრეთა ხმაების უბრალო უმრავლესობით.

მუხლი 6. ინსტიტუტის ხელმძღვანელი (დირექტორი)

1. ინსტიტუტის ხელმძღვანელი:
 - ა) ხელმძღვანელობას უწევს ინსტიტუტის საორგანიზაციო საქმიანობას; ინსტიტუტის სამეცნიერო საბჭოსთან ერთად დირექტორი ხელმძღვანელობას უწევს ასევე ინსტიტუტის სამეცნიერო საქმიანობას;

- ბ) იურიდიული ფაკულტეტის საბჭოს დასამტკიცებლად წარუდგენს საბჭოს მიერ განსაზღვრულ ძირითად სამეცნიერო მიმართულებებს;
- გ) ორგანიზებას უწევს სამეცნიერო პროექტების დაფინანსებას, მატერიალურ-ტექნიკურ უზრუნველყოფას;
- დ) ხელს უწყობს ინსტიტუტის სამეცნიერო კონტაქტების განვითარებას საქართველოსა და უცხოეთის სამეცნიერო-საგანმანათლებლო დაწესებულებებთან და სხვა სახის ორგანიზაციებთან;
- ე) უზრუნველყოფს სამეცნიერო კადრების მომზადებას და მეცნიერთანამშრომელთა კვალიფიკაციის ამაღლებას;
- ვ) ორგანიზებას უწევს სამეცნიერო გამოკვლევათა გამოქვეყნებას;
- ზ) ინსტიტუტის სამეცნიერო საბჭოსთან შეთანხმებით ადგენს ინსტიტუტის თანამშრომელთა საშტატო ნუსხას, რომელსაც იურიდიული ფაკულტეტის დეკანი წარუდგენს თსუ-ის ადმინისტრაციის ხელმძღვანელს;
- თ) ინსტიტუტის სამეცნიერო საბჭოს განსახილველად და დასამტკიცებლად წარუდგენს კვლევითი ცენტრის/ცენტრების ხელმძღვანელთა კანდიდატურებს;
- ი) წარმოადგენს ინსტიტუტს სხვადასხვა ორგანიზაციასა თუ დაწესებულებებში;

მუხლი 7. სამეცნიერო ცენტრის ხელმძღვანელი

1. ხელმძღვანელობს ინსტიტუტის თემატური გეგმით გათვალისწინებულ პროექტს (პროექტებს).
2. ყოველი წლის ბოლოს ინსტიტუტის სამეცნიერო საბჭოს მოახსენებს გაწეული სამეცნიერო-კვლევითი სამუშაოების შედეგების შესახებ.

მუხლი 8. მეცნიერ-თანამშრომელი

მონაწილეობას იღებს ინსტიტუტის გეგმით გათვალისწინებული პროექტის (პროექტების) შესრულებაში.

მუხლი 9. თანამდებობის დაკავების წესი

1. ინსტიტუტის ხელმძღვანელს, ინსტიტუტის სამეცნიერო საბჭოს რეკომენდაციით და იურიდიული ფაკულტეტის დეკანის წარდგინების საფუძველზე თანამდებობაზე ნიშნავს და ათავისუფლებს თსუ ადმინისტრაციის ხელმძღვანელი. ინსტიტუტის ხელმძღვანელად შეიძლება გამწესებულ იქნეს თსუ იურიდიული ფაკულტეტის სრული ან ასოცირებული პროფესორი, რომელიც არის სამეცნიერო კვლევითი ინსტიტუტის წევრი. დირექტორი ინიშნება 1 წლის ვადით.

2. ინსტიტუტის ხელმძღვანელის დანიშნვიდან არა უგვიანეს 1 თვის ვადაში სამეცნიერო კვლევითი ცენტრის (ცენტრების) ხელმძღვანელების კანდიდატურებს თანამდებობებზე ნიშნავს თსუ-ის ადმინისტრაციის ხელმძღვანელი ფაკულტეტის საბჭოს შუამდგომლობითა და დეკანის წარდგინების საფუძველზე.
3. ინსტიტუტის ხელმძღვანელს, ისევე როგორც ინსტიტუტის სხვა პერსონალს შესაძლებელია მიეცეს ანაზღაურება. ანაზღაურების ოდენობა და პირობები განისაზღვრება თსუ-სთან დადებული ხელშეკრულებით.

მუხლი 10. მეცნიერ-თანამშრომლის უფლებები

1. მეცნიერს უფლება აქვს:
 - ა) დამოუკიდებლად განსაზღვროს სამეცნიერო კვლევის შინაარსი, მეთოდები და საშუალებები;
 - ბ) მონაწილეობა მიიღოს დაფინანსების მოსაპოვებელ კონკურსებსა და სხვა ღონისძიებებში;
 - გ) წარმართოს ნებისმიერი სახის საქმიანობა, რომელიც დაკავშირებული იქნება ინსტიტუტის მიერ დასახული ამოცანების შესრულებასთან.

მუხლი 11. ინსტიტუტის საქმიანობის შეწყვეტა

1. ინსტიტუტის საქმიანობის შეწყვეტა შესაძლებელია ნებისმიერ დროს თსუ-ს იურიდიული ფაკულტეტის საბჭოს გადაწყვეტილებით.
2. ინსტიტუტის ლიკვიდაციის (საქმიანობის შეწყვეტის) შემდეგ მისი ქონება რჩება თსუ-ს.